

Akashvani, Sambalpur

SAMBALPURI NEWS BULLETIN

20 May 2024- 6.47- 6.52 am.

୨ ନମ୍ବର ଖେପ୍ ନିର୍ବାଚନ

ଆରବନ୍ଦୁ/ ସମ୍ବଲପୁର

ରାଏଜେ ଆଏଜ୍ ୨ ନମ୍ବର ଖେପ୍ ଭୋଟ୍ ହେବା । ଇ ଖେପେ ରାଜ୍ୟର ୫ ଟା ସଂସଦୀୟ କ୍ଷେତ୍ର ସୁନ୍ଦରଗଡ଼, ବରଗଡ଼, ବଲାଙ୍ଗିର, କନ୍ଧମାଲ୍ ଆର୍ ଆସ୍କା ଆଉ ଇତାର ଅଧୀନଥି ଥିବା ୩୫ ଟା ବିଧାନସଭା ଆସନ୍ ଲାଗି ଭୋଟ୍ ନିଆଯିବା । ସମ୍ବେଦନଶୀଳ ବୁଥ୍ ମାନଙ୍କେ ସଖାଲର ୭ ବଜେନ୍ନୁ ମତଦାନ ମୂଲ୍ ହେଇକରି ଉପରବେଳା ୪ ବଜେତକ୍ ଚାଲିବା । ସେନ୍ତା ବାକି ବୁଥ୍ ମାନଙ୍କେ ସଞ୍ଚର ୨ ବଜେ ମତଦାନ ଶେଷ୍ ହେବାରକେ ଥିବାର ବେଳେ କେତେଟା ବୁଥ୍ ନ ୫ ବଜେତକ୍ ଭୋଟ୍ ନିଆଯିବା । ଇ ଖେପେ ୫ ଟା ଲୋକସଭା ନିର୍ବାଚନ ମଣ୍ଡଳୀ ଲାଗି ମୋଟ୍ ୪୦ ଝନ୍ ପ୍ରାର୍ଥୀ ପ୍ରତିଦ୍ଵନ୍ଦିତା କରୁଥିବାର ବେଳେ ୩୫ ଟା ବିଧାନସଭା ଆସନ୍ ଲାଗି ୨ ଶହ ୨୫ ଝନ୍

ପ୍ରାର୍ଥୀ ପ୍ରତିଦୃଷ୍ଟିତା କରୁଛନ୍ । ଇଥି ମୋଟ୍ ୭୯ ଲାଖ୍ ୬୯ ହଜାର୍
୮ ଶହ ୮୭ ଝନ୍ ଭୋଟର୍ ରହିଛନ୍ । ଇ ଖେପେ ବିଜେଡ଼ି
ସଭାପତି ଆଉ ମୁଖ୍ୟମନ୍ତ୍ରୀ ନବୀନ୍ ପଟ୍ଟନାୟକ୍ ନିର୍ବାଚନ୍
ଲଢୁଥିବା କଂଗାବାଞ୍ଜି ଆର୍ ହିଞ୍ଜିଲି ବିଧାନସଭା ଆସନ୍ ନ
ଭୋଟ୍ ହେବା । ଭୋଟ୍‌କେ ନଜର୍ଥି ରଖ୍‌କରି ସୁରକ୍ଷା ବନ୍ଦୋବସ୍ତ୍
ଲାଗି ୩୩ ହଜାର୍ ସୁରକ୍ଷା କର୍ମୀ ନିୟୋଜିତ ହେଇଛନ୍ ।
ଇତାର୍‌ସହେତେ ବଲାଙ୍ଗିର, ବରଗଡ଼, ବୌଦ୍ଧ ଆର୍ କନ୍ଧମାଲ୍
ଜିଲ୍ଲାର୍ ନକ୍ସଲ୍ ଅଧୁଷିତ ଇଲାକାର୍ ୫ ଶହ ୫୬ ଟା ବୁଥି ନ କଡ଼ା
ସୁରକ୍ଷା ବ୍ୟବସ୍ଥା କରାଯାଇଛେ ବଲି ପୁଲିସ୍ ମହାନିର୍ଦ୍ଦେଶକ୍
ଅରୁଣ୍ ଷଡ଼ଙ୍ଗୀ କହିଛନ୍ ।

ଦେଶ- ନିର୍ବାଚନ ଏନ୍‌ଏସ୍‌ଡି

ଦେଶର୍ ୫ ନମ୍ବର୍ ଖେପ୍‌ର ଭୋଟ୍ ଆଏଜ୍ ହେବା । ଇଥି
ଓଡ଼ିଶା, ବିହାର୍, ଝାରଖଣ୍ଡ, ମହାରାଷ୍ଟ୍ର, ଉତ୍ତରପ୍ରଦେଶ୍ ଆର୍
ପଶ୍ଚିମବଙ୍ଗ ରାଜ୍ୟ ସହେତେ ଜାମ୍ମୁ କାଶ୍ମୀର୍ ଆର୍ ଲଦାଖ୍
କେନ୍ଦ୍ରଶାସିତ୍ ଅଂଚଲ୍‌ର ୪୯ ଟା ଲୋକ୍‌ସଭା ଆସନ୍ ଲାଗି
ଭୋଟ୍ ନିଆଯିବା । ଭୋଟ୍ ଲାଗି ୯୪ ହଜାର୍ ୭ ଶହ ୩୨ ଟା
ମତଦାନ୍ କେନ୍ଦ୍ର କରାଯାଇଛେ ।

ପ୍ରଧାନମନ୍ତ୍ରୀଙ୍କର ଗସ୍ତ

ଆରବନ୍ଦୁ/ ସମ୍ବଲପୁର

ବିଜେପିର ବରିଷ୍ଠ ନେତା ଆର୍ ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଆଉ କିଛି ସମିଆ ଉତ୍ତରୁ ପୁରୀ ନ ପୁହୁଁଚିବେ । ପହେଲା ମହାପ୍ରଭୁ ଶ୍ରୀ ଜଗନ୍ନାଥଙ୍କର ଦର୍ଶନ କରବେ । ତାରୁଉତ୍ତରୁ ଦଳୀୟ ପ୍ରାର୍ଥୀଙ୍କର ଲାଗି ନିର୍ବାଚନୀ ପ୍ରଚାର କରବାର ସହେତେ ରୋଡ୍ ସୋ କରବେ । ଶ୍ରୀମନ୍ଦିର ନୁ ମେଡ଼ିକାଲ୍ ଛକ୍ତକ୍ ଇ ରୋଡ୍ ସୋ ହେବା । ଇତାରୁଉତ୍ତରୁ ପ୍ରଧାନମନ୍ତ୍ରୀ ଅନୁଗୁଲ୍ ଯାଇକରି ନାଲ୍‌କୋ ଷ୍ଟାଡ଼ିୟମ୍ ନ ବିଜେପି ତରଫୁ ହେବାରକେ ଥିବାର ବିଜୟ ସଂକଳ୍ପ ସମାବେଶ୍‌ଥି ଯୋଗ୍ ଦେବେ । ସେନୁ ଫିରିକରି କଟକର ବାଲିଯାତ୍ରା ପଡ଼ିଆ ନ ପ୍ରଧାନମନ୍ତ୍ରୀ ଗୁଟେ ସାଧାରଣ ସଭାକେ ସମୋଧନ କରବାର କାର୍ଯ୍ୟକ୍ରମ ରହିଛେ । ପ୍ରଧାନମନ୍ତ୍ରୀଙ୍କର ଇ ଗସ୍ତ ଲାଗି ଭୁବନେଶ୍ୱର, ପୁରୀ, ଅନୁଗୁଲ୍ ଆର୍ କଟକ୍ ନ କଡ଼ା ସୁରକ୍ଷା ବନ୍ଦୋବସ୍ତ କରାଯାଇଛେ । ଇନ ଜନେଇ ଦିଆଯାଇପାରେ ଯେ, ପ୍ରଧାନମନ୍ତ୍ରୀ ୨ ଦିନିଆ ଓଡ଼ିଶା ଗସ୍ତ୍ ଆସିକରି ଗଲାକାଏଲ୍ ସଞ୍ଜର ସାଡ଼େ ୬ ବଜେ ଭୁବନେଶ୍ୱର ବିମାନ ବନ୍ଦର ନ ପୁହୁଁଥିଲେ । ସେନୁ ସେ ରାଜ୍ୟ ବିଜେପି କାର୍ଯ୍ୟାଳୟକେ ଯାଇଥିଲେ । ସେନ ଦଳର

କାର୍ଯ୍ୟକର୍ତ୍ତାମାନଙ୍କର ସାଙ୍ଗେ ନିର୍ବାଚନ ଥିତି ବାବଦେ
ଆଲୋଚନା କରିଛନ୍ ।

ମୁଖ୍ୟମନ୍ତ୍ରୀ- ପ୍ରଚାର ଆରବନ୍ଧୁ / ସମ୍ବଲପୁର

ବିଜୁ ଜନତା ଦଳର ସଭାପତି ଆର ମୁଖ୍ୟମନ୍ତ୍ରୀ ନବୀନ୍
ପଟ୍ଟନାୟକ ଆଏଜ୍ ଭୁବନେଶ୍ୱର ନ ରୋଡ୍ ସୋ' କରବେ । ସେ
ସଞ୍ଜବେଳେ ଏକାମ୍ର ନିର୍ବାଚନ ମଣ୍ଡଳୀ ନ ଦଳୀୟ ସାଂସଦ୍ ପ୍ରାର୍ଥୀ
ଆର ବିଧାୟକ୍ ପ୍ରାର୍ଥୀଙ୍କର ଲାଗି ପ୍ରଚାର କରବାର କାର୍ଯ୍ୟକ୍ରମ୍
ରହିଛେ । ଶ୍ରୀ ପଟ୍ଟନାୟକ୍ ସଞ୍ଜର ୬ ବାଜିକରି ୨୦ ମିନିଟ୍
ନବୀନ୍ ନିବାସନ୍ ବାହାରବେ । ଇତାର ଉତ୍ତରୁ ବିଡିଏ କଲୋନୀ
ଛକନ୍ ସୁନ୍ଦରପଦା ହାଟ ତକ୍ ରୋଡ୍ ସୋ କରବେ । ଇତାକେ
ନଜର୍ଥ ରଖିକରି କମିଶନରେଟ୍ ପୁଲିସ୍ ତରଫୁ ଇ ସବୁ ଇଲାକା
ନ ଟ୍ରାଫିକ୍ କଟକନା ଜାରି କରାଯାଇଛେ ।

କଂଗ୍ରେସ୍ ନେତା- ଓଡ଼ିଶାଗସ୍ତ ଆରବନ୍ଧୁ / ସମ୍ବଲପୁର

ଅଖିଲ୍ ଭାରତ୍ କଂଗ୍ରେସ୍ କମିଟି ଅଧକ୍ଷ ମଲ୍ଲିକାର୍ଜୁନ୍ ଖଡ୍ଗେ
ଆର ସାଧାରଣ୍ ସମ୍ପାଦିକା ପ୍ରିୟଙ୍କା ଗାନ୍ଧୀ ଆଉ ଦଳର ବରିଷ୍ଠ

ନେତା ରାହୁଲ୍ ଗାନ୍ଧୀ ଆଏବା ହସ୍ତାଥ୍ ଓଡ଼ିଶା ଆସ୍ବେ । ମେ ୨୭ ତାରିଖ ଦିନ ରାହୁଲ୍ ଗାନ୍ଧୀ ଓଡ଼ିଶା ଆସ୍ବାରକେ ଥିବାର ବେଳେ ୨୭ ତାରିଖ ମଲ୍ଲିକାର୍ଜୁନ୍ ଖଡ୍ଗେ ଆର୍ ୨୮ ତାରିଖ ପ୍ରିୟଙ୍କା ଗାନ୍ଧୀ ଆସ୍ବେ ବଲି ରାଜ୍ୟ କଂଗ୍ରେସ୍ ପ୍ରଭାରୀ ଅଜୟ କୁମାର୍ ସୂଚନା ଦେଇଛନ୍ । କଂଗ୍ରେସ୍ ଇ ନେତାମାନେ ବାଲେଶ୍ବର, ଭଦ୍ରକ, କେନ୍ଦ୍ରାପଡ଼ା, ଜଗତ୍ସିଂହପୁର, ପାରାଦ୍ବୀପ୍ ଆର୍ ମୟୂରଭଞ୍ଜ ନ ଦଲୀୟ ପ୍ରାର୍ଥୀମାନକର ଲାଗି ପ୍ରଚାର କରବାର କାର୍ଯ୍ୟକ୍ରମ୍ ରହିଛେ ।

ପୁଲିଂ ଅଧିକାରୀ ମୃତ୍ୟୁ- ଅନୁକମ୍ପା ସାହାଜ୍

ଆର୍ଏନ୍ୟୁ / ସମ୍ବଲପୁର

ବଲାଙ୍ଗିର ଜିଲ୍ଲା କଂଟାବାଞ୍ଜି ବିଧାନସଭା କ୍ଷେତ୍ର ଲାଗି ନିୟୋଜିତ ହେଇଥିବା ପୁଲିଂ ଅଧିକାରୀ ସୁଶୀଲ୍ କୁମାର୍ ଆଚାର୍ଯ୍ୟକର ମୃତ୍ୟୁଥ୍ ମୁଖ୍ୟ ନିର୍ବାଚନ୍ ଅଧିକାରୀ ନିକୁଞ୍ଜ ବିହାରୀ ଧଳ ଦୁଃଖ ପ୍ରକାଶ୍ କରିଛନ୍ । ଇତାର୍ସହେତେ ନିର୍ବାଚନ ଆୟୋଗକର ଘୋଷନା ଅନ୍ସାରେ ସୁଶୀଲ୍ କୁମାର୍ ଆଚାର୍ଯ୍ୟକର ପରିବାରକେ ୧୫ ଲାଖ୍ ଟଙ୍କାର୍ ଅତିରିକ୍ତ ଅନୁକମ୍ପାମୂଲକ୍ ସହାୟତା ରାଶି ଦିଆଯିବା ବଲି ସେ କହିଛନ୍ ।

ସମ୍ବଲପୁର ନିର୍ବାଚନ- ଜିଲ୍ଲାପାଳ ମାର୍ଗଦର୍ଶିକା

ଆରବନ୍ଧୁ / ସମ୍ବଲପୁର

ସମ୍ବଲପୁର ଜିଲ୍ଲା ନିର୍ବାଚନ ଆରମ୍ଭ ହେବା ୨୫ ତାରିଖ ଦିନ ଭୋଟ ହେବା ।
ଇତ୍ୟାଦି ନିର୍ବାଚନ ରଖିକରି ନିର୍ବାଚନ ଆରମ୍ଭ ୨୨ ଘଣ୍ଟା ଆର
ନିର୍ବାଚନ ଫଳ ଘୋଷଣା ହେବାରତକ ଶାନ୍ତିଶୃଙ୍ଖଳା ବଜାୟ
ରଖିବାର ଲାଗି ସମ୍ବଲପୁର ଜିଲ୍ଲାପାଳ ଅକ୍ଷୟ ସୁନୀଲ ଅଗ୍ରୱାଲ
ମାର୍ଗଦର୍ଶିକା ଜାରି କରିଛନ୍ । ଇ ମାର୍ଗଦର୍ଶିକା ସବୁ ରାଜନୈତିକ
ଦଳର ପ୍ରାର୍ଥୀମାନଙ୍କର ପାଖକେ ପଠେଇ ଦିଆଯାଇଛି । ଇଥି
କୁହାଯାଇଛି ଯେ, ନିର୍ବାଚନ ଆରମ୍ଭ ୨୨ ଘଣ୍ଟା ବହୁତ
ଗୁରୁତ୍ୱପୂର୍ଣ୍ଣ ଆଏ । ସେଥିଲାଗି ନିଜର ସମର୍ଥକ, ପ୍ରଶଂସକ
ଆର କର୍ମୀ ଯେତା ଶାନ୍ତିଶୃଙ୍ଖଳା ବଜାୟ ରଖିବେ ସେତାର
ଉପରେ ପ୍ରାର୍ଥୀମାନେ ଧ୍ୟାନ ଦେବାରକେ କୁହାଯାଇଛି ।

ଇଣ୍ଡିଆ ସ୍କିଲ - ୨୦୨୪

ଆରବନ୍ଧୁ / ସମ୍ବଲପୁର

ଜାତୀୟ ପ୍ରତିଯୋଗିତା - ଇଣ୍ଡିଆ ସ୍କିଲ - ୨୦୨୪ ଥି ଓଡ଼ିଶାର
ପ୍ରତିଯୋଗୀମାନେ ମୋଟ ୫୨ ଟା ପଦକ ହାସଲ କରିଛନ୍ ।

ନୂଆଦିଲ୍ଲୀ ଯଶୋଭୂମିଠାରେ ଗଲାକାଏଲ୍ ହେଇଥିବା ଗୁଟେ
ସ୍ୱତନ୍ତ୍ର କାର୍ଯ୍ୟକ୍ରମ ଓ ସଫଲ୍ ପ୍ରତିଯୋଗୀମାନଙ୍କୁ ସମର୍ଥନ
କରାଯାଇଛି । ଇନ ଜନେଇ ଦିଆଯାଇପାରେ ଯେ, ଭାରତ
ସରକାରଙ୍କର ଜାତୀୟ ଦକ୍ଷତା ବିକାଶ ନିଗମ୍ ତରଫୁ ଗଲା ୧୫
ତାରିଖକୁ ଇଣ୍ଡିଆ ସ୍କିଲ୍ ପ୍ରତିଯୋଗିତା ମୁଲ୍ ହେଇଥିଲା । ଇଥି
ଓଡ଼ିଶା ସହେତେ ଭିନ୍ ଭିନ୍ ରାଜ୍ୟ ଆଉ କେନ୍ଦ୍ରଶାସିତ୍ ଇଲାକାର
୯ ଶହ ନୁ ଅଧିକା ପ୍ରତିଯୋଗୀ ଭାଗ୍ ନେଇଥିଲେ ।
ପ୍ରତିଯୋଗିତା ଯୋଗାଇଲ୍ ରୋବୋଟିକ୍ସ, ଇନ୍ଫର୍ମେସନ୍
ନେଟ୍ୱାର୍କ୍ ବାଗିର୍ ୪୮ ଟା ସ୍କିଲ୍ ଓଡ଼ିଶାର ପ୍ରତିଯୋଗୀମାନେ
ଦକ୍ଷତା ପ୍ରଦର୍ଶନ୍ କରିଥିଲେ । ଇଥି ଭଲ୍ ପ୍ରଦର୍ଶନ୍ କରିଥିବା
ପ୍ରତିଯୋଗୀମାନେ ଆସବା ସେପ୍ଟେମ୍ବର୍ ୯ ତାରିଖ ଦିନ ପ୍ରାନ୍ତ ନ
ହେବାରକେ ଥିବା ଓଲ୍ଟ୍ ସ୍କିଲ୍ ପ୍ରତିଯୋଗିତା ଭାଗ୍ ନେବେ ।

ପାଣିପାଗ

ଆରବନ୍ଧୁ / ସମ୍ବଲପୁର

ଉତ୍ତର ଆର୍ ଉତ୍ତର ପଶ୍ଚିମ ଦିଗୁ ଗରମ୍ ପବନ୍ ବୁହୁଥିବାରନୁ
ରାଏଜେ ଫେର୍ ତାତି ବହୁଛି ବଲି ଭୁବ୍ନେଶ୍ୱର୍ ଆଂଚଲିକ୍
ବିଜ୍ଞାନ କେନ୍ଦ୍ର ତରଫୁ ସୂଚନା ଦିଆଯାଇଛି । ସୂଚନା ଅନୁସାରେ
ଆସବା କାଏଲ୍ତକ୍ କଲାହାଣ୍ଡି ଆର୍ ବଲାଙ୍ଗିର୍ ଜିଲ୍ଲାର ଗୁଟେ

ଜୁଡ଼େ ଜାଗା ସହେତେ ରାଜ୍ୟର କେତେ ଜାଗା ନ ଧୁକାଗର୍ଡ଼ି
ଆର ଚଡ଼କ୍ ମାରିପାରେ ।